

**ՍՈՑԻԱԼԻՍՏԱԿԱՆ ՄՐՑՈՒԹՅՈՒՆԸ
ՀԱՆՐԱՊԵՏՈՒԹՅԱՆ ԳՅՈՒՂԱՏՆՏԵՍՈՒԹՅԱՆ ԱՇԽԱՏՈՂՆԵՐԻ ՇՐՋԱՆՈՒՄ
(1965—1975)**

ՄԻՔԱՅԵԼ ՄԱԴԱԹՅԱՆ

Ջարգացած սոցիալիզմի փուլում հասարակական արտադրության արդյունավետության բարձրացման խնդիրը կուսակցության տնտեսական ստրատեգիայի հիմնական ուղղությունն է։ Ուստի հասարակական արդյունքն ավելացնելու նպատակով գործադրվող միջոցների և տնտեսական լծակների շարքում կարևոր գործոններից մեկը սոցիալիստական մրցությունն է՝ որպես նոր ուժեղների բացահայտման համար աշխատավոր զանգվածների ստեղծագործական նախաձեռնությունները մոբիլիզացնող անսպառ հնարավորություն։

Ընդունելով հարցի հրատապությունն ու հասարակական-տնտեսական նըշանակությունը, հանրապետության գյուղատնտեսական կոլեկտիվները 8-րդ և 9-րդ հնգամյակի տարիներին զգալի աշխատանք կատարեցին՝ մի շարք արժեքավոր նախաձեռնություններ ղեկավարելով իրենց շարժման հիմքում և ապահովելով գյուղատնտեսական արտադրության ընդհանուր վերելքը։ Այսպես, օրինակ, 8-րդ հնգամյակի տարիներին մեր հանրապետությունում ծնունդ առավ «հարուստ հեկտարի համար» շարժումը, որպես հանուն կոմունիստական աշխատանքի շարժման ընդհանուր ֆոնի վրա առաջացած «կոմունիստական աշխատանքի հարվածային», «կոմունիստական աշխատանքի կոլեկտիվ» և այլ շարժումների անմիջական շարունակություն և զարգացում։ «Հարուստ հեկտարի համար» շարժումը ավելի լայնորեն ծավալելու նպատակով և ելնելով ՍՄԿԿ Կենտկոմի ու ՍՍՀՄ Մինիստրների խորհրդի՝ գյուղատնտեսական մթերքներն ավելացնելու մասին ընդունած որոշումներից, ՀԿԿ Կենտկոմը և ՀՍՍՀ Մինիստրների խորհուրդը գյուղատնտեսության աշխատողների շրջանում սոցիալիստական մրցության ծավալման վերաբերյալ 1965 թ.¹ և 1966 թ. մարտ ամիսներին² ընդունեցին համապատասխան որոշումներ։ Շարժման հեղինակն ու նախաձեռնողն Արտաշատի շրջանի Շահումյան գյուղի Ս. Մ. Կիրովի անվան կոլտնտեսության բրիգադավար Գ. Բարսեղյանն էր։ Փառաբանված հողագործը, մարգերով մշակվող սոխի ցանքը փոխարինելով ակոսային եղանակի, 1966 թ. հեկտարից 180-ի դիմաց ստացավ 570 ց բերք, իսկ հաջորդ տարին այն հասցրեց 700 ցնտներին³։

Հեկտարը հարուստ դարձնելու և դրանից առավելագույնը վերցնելու նախաձեռնությունը տարածելու նպատակով ՀԿԿ Կենտկոմի ղեկավարությամբ հանրապետության շրջանային կոմիտեները սկզբնական կուսակցական կազմակերպությունների հետ իրենց կապերն ամրապնդելու և ղեկավարման հետևողականությունն ապահովելու բազմազան ձևեր ու մեթոդներ կիրառեցին։ Այսպես, օրինակ, կուսակցության Արտաշատի շրջանային կոմիտեն սկզբնական կուսակցական կազմակերպությունների փնջային խորհրդակցություններում պարբերաբար հանդես էր գալիս հաշվետվությամբ, նրանց քննարկմանը ղնում իր գործունեությունը, եղած թերությունների հիման վրա կազմում դրանք վերացնելու միջոցառումներ⁴։ Մեղրու շրջկոմը հատուկ պլանով մշակ-

¹ «Սովետական Հայաստան», 20. VII. 1965։

² Նույն տեղում, 19. III. 1966։

³ Ց ու . Ծ դ ի ա ղ ա Ր յ ա ն , Նոր բնագծերի նվաճման համար, Երևան, 1976, էջ 25։

⁴ «Հայաստանի գյուղատնտեսություն», 1965, № 8, էջ 9։

ված միջոցառումներ էր իրականացնում ետ մնացողներին առաջավորների շարքերը հասցնելու ուղղությամբ⁵, մեծ տեղ հատկացնելով սոցիալիստական մրցությունը:

Շրջանային կուսակցական կազմակերպությունների եռանդուն աշխատանքի շնորհիվ հանրապետությունում 8-րդ և 9-րդ հնգամյակների տարիներին իրենց օրինակելի աշխատանքով հայտնի դարձան Շահումյանի շրջանի լենինի անվան, Շամշադինի շրջանի Մովսես, Ապարանի շրջանի Քուշակ, Սպիտակի շրջանի Մեծ Պարնի⁶, Մարտունու շրջանի Վարդենիկ, Հոկտեմբերյանի շրջանի Զանֆիդա, Նոյեմբերյանի շրջանի «Զեյթուն» և «Լավար», Մասիսի շրջանի Արբաթ⁷ և այլ տնտեսություններ: Արբաթի տնտեսությունն, օրինակ, շրջանի գրեթե ամենահետամնաց տնտեսությունն էր, և աշխօրի արժեքը հազիվ էր կազմում 1 ու. 50 կ.: Կուսակցության Մասիսի շրջանային կոմիտեն, կիրառելով հեկտարը հարուստ դարձնելու միջոցառումների լայն ծրագիր, ընդամենը մեկ տարվա ընթացքում տնտեսության համար ապահովեց գերազանց առաջադիմություն. մեկ աշխօրի արժեքը հասցվեց 6 ու., որի շնորհիվ դադարեց աշխատուժի հոսունությունը, այլ աշխատանքի անցած շատ կոլտնտեսականներ վերադարձան հանրային աշխատանքի⁸:

Հանրապետությունում «հարուստ հեկտարի համար» շարժմանը լայն թափ հաղորդեց հատկապես Հոկտեմբերյան հեղափոխության 50 և Վ. Ի. լենինի ծննդյան 100-րդ տարեդարձի պատվին ծավալված սոցիալիստական մրցությունը: Հանրապետության գրեթե բոլոր շրջաններում 8-րդ հնգամյակի տարիներին բարձր ցուցանիշների հասան կոմերիտական երիտասարդական օղակներն ու բրիգադները, որոնք ակտիվորեն մասնակցեցին սոցիալիստական մրցությունը: Հողից առավելագույնը ստանալու և բերքն անկորուստ հավաքելու նպատակով էջմիածնի շրջանում կոմերիտական և երիտասարդական օղակներ և բրիգադներ կազմակերպվել էին դեռևս 1966 թ., ուր այդ ժամանակ աշխատում էին 95 այդպիսի բրիգադներ⁹, Դրանց թիվը 1968 թ. հասավ 137-ի¹⁰: Այդ բրիգադները զգալի գեր խաղացին շրջանում աշխատանքային նոր ավանդույթներ ստեղծելու, տասնյակ նոր նախաձեռնություններ արժատավորելու գործում: ՀՍՍՀ կազմավորման 50-ամյակի պատվին շրջանում կազմվեցին ևս 50 բարձր բերքի բրիգադներ¹¹, որոնք 1974 թ. արեցին 140 նորարարական առաջարկություններ՝ շրջանի օգուտները մեծացնելով 360 հազար ուրվով¹²: 2450 երիտասարդ աշխատողներ և 43 կոմերիտական-երիտասարդական բրիգադներ 9-րդ հնգամյակի առաջադրանքները կատարեցին ժամկետից շուտ, 857 կոմերիտականներ և երիտասարդներ Համլենի շրջանում և ՀԼԿԵՄ կենտկոմների կողմից պարգևատրվեցին հարվածայինների կրծքանշաններով¹³, իսկ Համլենի շրջանում իրավունք ստացան նկարվելու Մոսկվայում՝ հաղթանակի դրոշի մոտ¹⁴:

8-րդ և 9-րդ հնգամյակների տարիներին Հոկտեմբերյանի շրջանի տնտեսություններում գործող 95 կոմերիտական-երիտասարդական բարձր բերքի բրիգադներում և օղակներում աշխատում էին 3000-ից ավելի կոմերիտականներ և երիտասարդներ¹⁵, որոնք դարձան «հարուստ հեկտարի», «հարուստ ֆեր-

⁵ Նույն տեղում, 1966, № 7, էջ 5:

⁶ «Սովետական Հայաստան», 27. V. 1966:

⁷ Մարքսիզմ-լենինիզմի ինստիտուտի հայկական մասնաճյուղի կուսակցական արխիվ (այսուհետև՝ ՄԻԻ ՀՄԿԱ), ֆ. 95, ց. 6, գ. 21, թ. 4—5:

⁸ Նույն տեղում:

⁹ Նույն տեղում, ֆ. 14, ց. 19, գ. 68, թ. 63:

¹⁰ Նույն տեղում, ց. 18, գ. 82, թ. 10:

¹¹ Նույն տեղում, գ. 105, թ. 23:

¹² Նույն տեղում, գ. 68, թ. 7:

¹³ Նույն տեղում, ց. 19, գ. 92, թ. 19:

¹⁴ Նույն տեղում, թ. 19—20:

¹⁵ Նույն տեղում, ֆ. 90, ց. 27, գ. 6, թ. 61:

մայի», «բանակը որակով է գեղեցիկ», «տնտեսական տարին ՍՍՀՄ սահմանադրության տարեդարձի օրը» շարժումների նախաձեռնողները¹⁶։ ՍՍՀՄ Գերագույն սովետի դեպուտատ Գ. Կարապետյանը դարձավ «Հնգամյակը 3,5 տարում» շարժման նախաձեռնողը և, կատարելով իր խոստումը, արժանացավ սոցիալիստական աշխատանքի հերոսի բարձր կոչման¹⁷։

Սշակվող հեկտարն ավելի հարուստ դարձնելու և նորանոր ռեզերվներ որոնելու նպատակով գյուղում Հոկտեմբերյան հեղափոխության 50-ամյակին նվիրված հոբելյանական սոցիալիստական մրցությանը յուրովի արձագանքեցին հանրապետության բանջարաբույծներն ու խաղողագործները, պտղաբույծներն ու կերամթերատու դաշտավարության աշխատողները։ Գ. Բարսեղյանի «Հարուստ հեկտարի համար» նախաձեռնությանը արձագանքեցին նաև Արտաշատի շրջանի Այգեղարդ գյուղի բանջարաբույծները։ Այստեղ կազմակերպվեց և անմիջապես գործի անցավ 5-րդ բրիգադի «Հարուստ հեկտարի համար» կոմերիտական-երիտասարդական օղակը, Ի. Պետրոսյանի ղեկավարությամբ¹⁸։ Հանրապետական և շրջանային մամուլը սկսեց ավելի հաճախ անդրադառնալ «Հարուստ հեկտարի համար» պայքարող օղակների գործունեությանը։ 8-րդ հնգամյակի տարիներին հաղթահարելով հեկտարից 520—650 ց բանջարեղեն ստանալու բնագիծը, օղակը 1971 և 1972 թթ. հասավ համապատասխանաբար հեկտարից 770 և 800 ց պոմիդոր աճեցնելու սահմանին և 9-րդ հնգամյակի վերջին տարում արդեն աշխատում էր 10-րդ հնգամյակի հաշվին¹⁹։

Էջմիածնի շրջանում 8-րդ հնգամյակի տարիներին, մասնավորապես մինչև 1969 թ., բանջարեղենի արտադրությունը չէր անցնում 35—37 հազ. տոննայից²⁰։ Շրջանի էկոնոմիկայի նյութաֆինանսական հաշվեկշռում հեկտարի ցածր բերքատվությունն անհանգստացնում էր տեղի կուսակցական, սովետական և տնտեսական մարմիններին։ Շրջանի բանջարաբուծական մթերքների արտադրության ավելացման ամենաիրական ուղին մնում էր «Հարուստ հեկտարի համար» պայքարը, որին արդեն ձեռնամուխ էր եղել շրջանի ամբողջ աշխատավորությունը։ Կուսակցության էջմիածնի շրջկոմի հունվարյան (1971) պլենումը տնտեսությունների համար սահմանեց լրացուցիչ առաջադրանքներ՝ ամրապնդելով դրանք նյութատեխնիկական մատակարարումներով և ագրոտեխնիկական ամենաանհրաժեշտ միջոցառումներով²¹։ Ամբողջ շրջանի համար իրականացնելով համալիր միջոցառումներ, էջմիածնի շրջանի բանջարաբույծները 9-րդ հնգամյակի պլանը կատարեցին 3 տարում²²։ Շրջանում «Հարուստ հեկտարի համար» պայքարում զգալի ներդրում կատարեց Աղավնատան տնտեսության Ռ. Ավագյանի ղեկավարած բրիգադը, որը կարողացավ մեկ հեկտարի վրա 20 հազարի փոխարեն աճեցնել 35—40 հազ. բույս և, մրցության մեջ մտնելով մյուս բրիգադների հետ, հասավ ակնառու հաջողությունների²³։

Հանրապետությունում «Հարուստ հեկտարի համար» շարժումը ծավալվեց ոչ միայն բանջարաբուծության, այլև հացահատիկային, տեխնիկական, կերամթերատու կուլտուրաների, խաղողի ու պտղաբուծության գծով՝ հեկտարից առավելագույնը ստանալու նշանաբանով։

Հեկտարի համար և ՍՍՀՄ Մինիստրների խորհուրդը 1967 թ. փետրվարին հաստատեցին անասնապահների, հացահատիկային կուլտուրաների մշակության զբաղվող աշխատողների, խաղողագործների, պտղաբույծների, բան-

¹⁶ Նույն տեղում, ց. 23, գ. 31, թ. 71։

¹⁷ Նույն տեղում։

¹⁸ Ց ու լ. Եղի ա զ ա ր յ ա ն, նշվ. աշխ., էջ 12, 17։

¹⁹ Նույն տեղում, էջ 20, 27։

²⁰ Մ ի ի ՀՄԿԱ, ֆ. 14, ց. 18, գ. 105, թ. 47։

²¹ Նույն տեղում, գ. 19, ց. 68, թ. 65։

²² Նույն տեղում։

²³ Գ. Խ. Գեղիկյան, Կոչմանը հավատարիմ, Երևան, 1972, էջ 85։

շարարությունների և ծխախոտագործների միջև հոբելյանական տարվա և Վ. Ի. Լենինի ծննդյան 100-ամյակի պատվին ծավալված սոցիալիստական մրցութային պայմանները²⁴։

Հիկ Կենտկոմի և ՀՍՍՀ կառավարության որոշմանն անմիջապես հետևեց Ստեփանավանի շրջանի գյուղատնտեսության աշխատողների դիմումը՝ ուղղված հանրապետության կոլտնտեսականներին, սովխոզների բանվորներին, մեխանիզատորներին և գյուղատնտեսության մասնագետներին, որտեղ նրանք, հաշվի առնելով իրենց հնարավորություններն ու փորձը, գործարար մրցութային կոչ էին անում, պարտավորվելով հացահատիկային կուլտուրաների հեկտարի բերքատվությունը նախատեսված 16,3-ի փոխարեն հասցնել 22 ցենտներին²⁵։ Ստեփանավանի շրջանի աշխատավորները հացահատիկային կուլտուրաների հեկտարի միջին բերքատվությունը 1970 թ. հասցրին 24,4 ցենտներին²⁶, իսկ 9-րդ հնգամյակում «Ավրորա» և «Կովկասյան» նոր տեսակների շրջանացման շնորհիվ հացահատիկի հեկտարի միջին բերքատվությունը շրջանում կազմեց 26,2 ցենտներ²⁷։

Մավալելով գործարար սոցիալիստական մրցություն, Ախուրյանի շրջանի աշխատավորները 8-րդ հնգամյակում հացահատիկի հեկտարի բերքատվությունը բարձրացրին 5—6 ցենտներով, իսկ Ազատանի, Ախուրյանի, Շիրակի, Բենիամինի և Հաջիկի տնտեսությունները «հարուստ հեկտարի համար» մրցությունում հասան 18—22 ց միջին արդյունքի, գերազանցելով պլանային 13,6 ցենտների ցուցանիշը²⁸։

Արարատյան դաշտավայրի և հանրապետության առավելապես հացահատիկի արտադրությամբ զբաղվող շրջանները 8-րդ հնգամյակի վերջում և հաջորդ հնգամյակում ապահովեցին հացահատիկի համախառն արտադրության զգալի աճ, առանց ցանքատարածությունների ավելացման։ Այս ամենի շրջանորհիվ 8-րդ հնգամյակի վերջում և 9-րդ հնգամյակի առաջին երեք տարիներին հանրապետությունում հացահատիկի համախառն արտադրանքն ավելացավ 83 հազ. ցենտներով²⁹, թեև ցանքատարածություններն այդ ընթացքում և հետագա տարիներին զգալիորեն կրճատվեցին³⁰։ Հացահատիկային կուլտուրաների տակ դրված հողահանդակների կրճատման պայմաններում հանրապետությունում ապահովվեց հացահատիկի համախառն արտադրանքի զգալի աճ։ Այսպես, եթե 1970 թ. արտադրվել էր 251,9, իսկ 1975 թ.՝ 295,6 հազ. տոննա համախառն հացահատիկ, ապա 1977 և 1979 թթ. այդ ցուցանիշները կազմեցին համապատասխանաբար՝ 317,3 և 318,4 հազ. տոննա³¹։

Ինչպես ցույց են տալիս բերված փաստերը, Հայաստանի կուսակցական կազմակերպությունների անմիջական ղեկավարությամբ և մասսաների նախաձեռնությամբ «հարուստ հեկտարի համար» շարժման հետևողական զարգացման շնորհիվ հանրապետությունում հացահատիկի արտադրության բնագավառում նվաճվեցին նոր բնագծեր, դրսևորվեց ցանքատարածությունների կրճատման պայմաններում համախառն բերքի դինամիկ աճի միտումը։

Գրեթե նույն խնդիրն էր դրված հանրապետության խաղողագործության և պտղաբուծության բնագավառների աշխատողների առջև։ 8-րդ և 9-րդ հնգամյակներում հանրապետության կոլտնտեսությունների և սովխոզների խաղողի այգիների բերքատվությունը կազմել է համապատասխանաբար՝ 50,6 և

²⁴ ՄԼԻ ՀՄԿԱ, ֆ. 1, ր. 92, գ. 104, թ. 128։

²⁵ «Սովետական Հայաստան», 15. XII. 1967։

²⁶ ՄԼԻ ՀՄԿԱ, ֆ. 13, ց. 36, գ. 91, թ. 19։

²⁷ Նույն տեղում, ց. 40, գ. 1, լ. 7—8։

²⁸ Նույն տեղում, ֆ. 1, ց. 96, գ. 6, թ. 13։

²⁹ «Սովետական Հայաստան», 16. IV. 1974։

³⁰ «Народное хозяйство Арм. ССР за 60 лет», Ереван, 1980, с. 115։

³¹ Նույն տեղում, էջ 100։

51,8 ց³², ինչ խոսք, որ խաղողի բերքատվության աճը գրեթե աննշան էր: Բրնական է, որ ստեղծված պայմաններում խաղողագործությունը պետք է զարգանար ինտենսիվ ուղիով, հեկտարի միջին բերքատվությունը բարձրացնելու հաշվին: Այդ խնդրի իրականացման համար Հայաստանի կոմկուսի Կենտկոմը և հանրապետության կառավարությունն ընդունեցին մի շարք կարևոր որոշումներ և լայն գործունեություն ծավալեցին տեղերում այն կենսագործելու համար:

«Հարուստ հեկտարի համար» շարժումը, որը համակել էր նաև հանրապետության խաղողագործներին, ծավալվում էր այգիների տարածքում վազաքանակի պահանջվող շափի ապահովման և հին թմբային այգիները շալարային եղանակով զարգացնելու ուղղությամբ: Դեռևս 1964 թ. կուսակցության Արտաշատի շրջանային երկրորդ կոնֆերանսի «խաղողագործության հեռանկարային զարգացման մասին» ընդունած որոշման համաձայն շրջանում սկսվեցին հին, թմբային ցածր բերքատու այգիների վերակառուցման աշխատանքները³³. Կոնֆերանսի որոշման կատարման ուղղությամբ լայն աշխատանք ծավալվեց Այգեզարդի, Քաղցրաշենի, Վ. Արտաշատի և խաղողագործական մի շարք այլ խոշոր տնտեսություններում: «Հարուստ հեկտարի համար» պայքարողների մեջ գերազանց արդյունքի հասան Քաղցրաշենի խաղողագործները, որոնք 1965 թ. հեկտարից ապահովեցին 171 ց խաղող³⁴, իսկ այգեզարդցիներն իրենց ունեցած 263 հա³⁵ բերքատու այգիների յուրաքանչյուր հեկտարից ապահովեցին 145 ց բերք: Տնտեսության և Ստեփանյանի ղեկավարած խաղողագործական օղակը հանրապետությունում ստացավ ամենաբարձր բերքը՝ 190 ց յուրաքանչյուր հեկտարից³⁶, որի համար օղակավարուհին արժանացավ սոցիալիստական աշխատանքի հերոսի կոչման³⁷:

Վ. Ի. Լենինի ծննդյան 100-ամյակն արժանավայել դիմավորելու համար մրցապայքարի ելած Հայաստանի գյուղատնտեսության աշխատողների մեջ արտաշատցիները հանդես եկան որպես հոբելյանական տարին արժանավայել դիմավորելու մրցության նախաձեռնողներ՝ կոչ անելով «արտադրել ավելի շատ գյուղատնտեսական մթերքներ, ժամկետից շուտ կատարել նախահոբելյանական տարվա առաջադրանքները»³⁸: Շրջանը մինչև 10-րդ հնգամյակի կեսերը կարողացավ հիմնականում ավարտել իր ունեցած 4100 հա³⁹ խաղողի այգիների վերակառուցման աշխատանքները:

Այգիները լիարժեք դարձնելու և նոսրությունը վերացնելու միջոցով հեկտարը հարուստ դարձնելու լայն աշխատանք էր ծավալվում նաև էջմիածնի շրջանում: Շրջանի խաղողագործական գրեթե բոլոր տնտեսություններն այգիների լիարժեքությունն ապահովելու գործարար մրցություն ծավալեցին՝ դրանով ապահովելով նաև «հարուստ հեկտարի» կարևոր նախադրյալներից մեկը: 1967—1970 թթ. ընթացքում վերակառուցվեցին և տնկվեցին 668 հա այգիներ⁴⁰, անդալիսներով և արմատակալներով լրացվեց 1 մլն 400 հազ. վազ, որով խաղողագործության մեջ տեղաշարժեր կատարվեցին⁴¹: Կուսակցական և գյուղատնտեսական մարմինների ձեռնարկած միջոցառումների և այգիները վազերով լրացնելու ու վերակառուցելու շնորհիվ շրջանում խաղողի հեկտարի միջին

32 Նույն տեղում, էջ 104:

33 Յոս. Եղիազարյան, նշվ. աշխ., էջ 5:

34 «Коммунист», 23. III. 1967.

35 ՄԼԻ ՀՄԿԱ, ֆ. 36, ց. 20, գ. 10, թ. 4—5:

36 Հ. Ս. Հովսեփյան, Հողի սերը, Երևան, 1975, էջ 4:

37 «Սովետական Հայաստան», 17. V. 1965:

38 Նույն տեղում, 19. III. 1969:

39 ՄԼԻ ՀՄԿԱ, ֆ. 36, ց. 27, գ. 1:

40 Նույն տեղում, ֆ. 14, ց. 18, գ. 105, թ. 53:

41 Նույն տեղում, թ. 57:

բերքատվությունը 1965 թ. 52,2 ցենտներից⁴² 1970 թ. հասցվեց 56 ցենտներին⁴³, 9-րդ հնգամյակի տարիներին շրջանում աստիճանաբար ամրապնդվում էին 8-րդ հնգամյակում ձեռք բերված նվաճումները: Կուսակցության էջմիածնի շրջկոմի բյուրոն (1970), խաղողագործության բնագավառում ծավալված աշխատանքների կուսակցական ղեկավարումը ապահովելու նպատակով, որոշում ընդունեց «խաղողի այգիների հիմնման և վերակառուցման աշխատանքների մասին» և տնտեսություններին տվեց կոնկրետ հանձնարարականներ⁴⁴:

Հանրապետությունում գործարար մրցություն ծավալվեց նաև կերամթերատու կուլտուրաների բերքատվությունը բարձրացնելու ուղղությամբ: Հանրային անասնապահության կերի կայուն բազան ամրապնդելու և կերարտադրության աշխատանքների կուսակցական ղեկավարումը բարելավելու նպատակով ՀԿԿ Կենտկոմը և հանրապետության կառավարությունը 1965—1975 թթ. ընթացքում մի շարք կարևոր որոշումներ են ընդունել: ՀԿԿ Կենտկոմի հաստատած միջոցառումներով նախատեսվում էր մինչև 1975 թ. հատիկաֆուրաժի արտադրությունը հասցնել 80 հազ. տոննայի⁴⁵, Կերարտադրությունը մեծացնելու նպատակով նախատեսվում էր նաև նոր յուրացվող ոռոգելի հողատարածությունների մի մասը, ինչպես հարթավայրային, այնպես էլ նախալեռնային և լեռնային դոտիններում վերածել կերամթերատու հանդակների⁴⁶, Անասնապահության կերի կայուն բազան ամրապնդելու նպատակով Ախուրյանի շրջանի աշխատավորները 8-րդ և 9-րդ հնգամյակներում լայն մրցություն ծավալեցին հատկապես տեխնիկական կուլտուրաների բերքատվությունը բարձրացնելու համար: 8-րդ հնգամյակի տարիներին նրանք հանդես եկան «հրեզամյակի ընթացքում ոչ մի ետ մնացող տնտեսություն», «հնգամյակը 4 տարում», «բիշ ծախսումներով մեծ օգուտ», «ոչ մի կաթիլ ջուր առանց նպատակի» նախաձեռնություններով, որոնք դրվեցին «հարուստ հեկտարի համար» շարժման հիմքում և հասցրին զգալի հաջողությունների⁴⁷, Պայքարելով բարձր բերքի համար և կենսագործելով անասնապահության կերի կայուն բազան ամրապնդելու նպատակով «Հանրապետության գյուղատնտեսության աշխատողների միջև սոցիալիստական մրցության ծավալման մասին» ՀԿԿ Կենտկոմի և ՀՍՄԷ Միևիստրների խորհրդի 1970 թ. մարտին ընդունած որոշումը⁴⁸, Ախուրյանի շրջանի դաշտավարները դիմեցին հանրապետության բոլոր շրջաններին՝ հանրային անասնապահությունը մեկ և կես տարվա անասնակերով ապահովելու կոչով⁴⁹: Օրինակ ծառայելով, նրանք 21 հազ. տոննայի փոխարեն 1970 թ. կուտակեցին 25 հազ. տոննա խոտ, 19 հազ. տոննայի փոխարեն՝ 27 հազ. տոննա սիլոս⁵⁰:

9-րդ հնգամյակի տարիներին շրջանը ստացավ ճակնդեղի բարձր և կայուն բերք՝ հեկտարից ապահովելով 340—400 ց միջին բերք՝ պլանավորված 295,5 ցենտների դիմաց⁵¹: Տալով հանրապետության ճակնդեղի համախառն բերքի կեսից ավելին և հեկտարի միջին բերքատվությամբ ՍՄԷՄ-ում գրավելով առաջին տեղերից մեկը, շրջանը 1973 թ. պարզևատրվեց ՀԱՄԿ-ի և ՀամլԿԵՄ Կենտկոմի Կարմիր դրոշով և առաջին կարգի դրամական պարգևով⁵²:

Կերային կուլտուրաների բերքատվությունը բարձրացնելու լայն շարժում

⁴² Նույն տեղում, թ. 10—11:

⁴³ Նույն տեղում, թ. 53:

⁴⁴ Նույն տեղում, թ. 4—5:

⁴⁵ Նույն տեղում, ֆ. 1, ց. 96, գ. 28, թ. 16:

⁴⁶ Նույն տեղում, ֆ. 89, ց. 39, գ. 7, թ. 112—113:

⁴⁷ Նույն տեղում:

⁴⁸ Նույն տեղում, ֆ. 1, ց. 95, դ. 54, թ. 149:

⁴⁹ Նույն տեղում, ց. 29, գ. 73, թ. 16:

⁵⁰ Նույն տեղում:

⁵¹ Նույն տեղում, գ. 111, թ. 15:

⁵² Նույն տեղում, թ. 19:

ծավալվեց նաև Վարդենիսի, Շամշադինի, Ստեփանավանի, Գորիսի, Գուգարքի, Մարտունու, Նոյեմբերյանի և այլ շրջաններում: Վարդենիսի շրջանի գյուղատնտեսութեան աշխատողները, արձագանքելով ՀԿԵՄ Կենտկոմի և Հանրապետութեան գյուղմիինստրութեան «խոտի և սիլոսի կուտակման երկամսյակ»⁵³ նախաձեռնութեանը, ոչ միայն բարելավեցին կերի կուտակման աշխատանքները, այլև իրենք հետագայում դարձան կարևոր նախաձեռնութեանների հեղինակ: 8-րդ հնգամյակում շրջանում կյանքի կոչվեց «պայքար յուրաքանչյուր կիլոգրամ խոտի համար»⁵⁴ և «հնգամյակը 4 տարում»⁵⁵ նախաձեռնութեանները: Խոտհնձի ժամանակ բոլոր հնարավորութեանները ու ռեզերվների օգտագործման շնորհիվ շրջանում խոտի կուտակման ցուցանիշը 27 հազ. տոննայից⁵⁶ 8-րդ հնգամյակի վերջում հասցվեց 36 հազ. տոննայի⁵⁷: Եթե կերային կուտուրաների ցանքատարածութեանները 1965 թ. կազմում էին 128,4 հազ. հա, ապա 1970 և 1975 թթ.՝ համապատասխանաբար՝ 173,7 և 193,6 հազ. հա:

Կերամթերատու հանգակները բարձր արդյունավետութեամբ օգտագործելու ուղղութեամբ գործարար սոցիալիստական մրցութիւն ծավալվեց նաև Նոյեմբերյանի շրջանում: 8-րդ և 9-րդ հնգամյակների տարիներին ալստեղ նույնպէս լայն թափով ծավալվեց «հարուստ հեկտարի համար» շարժումը: Կյանքի կոչվեց «յուրաքանչյուր օրը բերքին», «բերրի դարձնենք յուրաքանչյուր հեկտարը», «ոչ մի ծիւ շթողենք դաշտում» նախաձեռնութեանները⁵⁸: Առանձնապէս օրինակելի էր 9-րդ հնգամյակի գրեթե բոլոր տարիներին կրկնվող տոհմային-ընտանեկան շաքաթօրյակները: Այս հիանալի նախաձեռնութեանը տվեց իր ցանկալի արդյունքը, մեծ լուծա ներդրեց հանրային հոտի կերի կաշտն բազայի ամրապնդման գործում⁵⁹:

8-րդ և 9-րդ հնգամյակի տարիներին Հանրապետութեան գյուղի աշխատավորները գործարար մրցութիւն ծավալեցին կերային կուտուրաների ցանքատարածութեաններն ընդլայնելու ուղղութեամբ: 1971—1973 թթ. ընթացքում Մարտունու շրջանի աշխատավորները, կատարելով սոցամրցութեամբ ստանձնած պարտավորութեանները, միայն կորնզանի ցանքատարածութեաններն ավելացրին 4200 հա-ով, Շամշադինի շրջանում կորնզանի ցանքատարածութեանները 8-րդ հնգամյակի վերջում 1422 հեկտարից⁶⁰ 1972 թ. հասցվեցին 1957 հա-ի⁶¹: 9-րդ հնգամյակի վերջում Ստեփանավանի շրջանի գյուղատնտեսական հանգակների մեծ մասն օգտագործվում էր հանրային անասնապահութեան կերի կաշտն բազան ամրապնդելու նպատակով⁶²: Կամոյի շրջանի Սարուխանի տընտեսութեան կոմունիստները 1972 թ. հարց բարձրացրին ջրովի հողատարածութեանների հաշվին ընդարձակել կորնզանի ցանքատարածութեանները և հասան որոշակի հաջողութեաններ⁶³:

Այսպիսով, մրցութեան կազմակերպման շնորհիվ 8-րդ և 9-րդ հնգամյակների տարիներին կերային կուտուրաների ցանքատարածութեանները զգալիորեն ընդարձակվեցին: Եթե դրանք 1965 թ. կազմում էին 128,4 հազ. հա, ապա 1970 և 1975 թթ.՝ համապատասխանաբար 173,7 և 193,8 հազ. հա⁶⁴:

53 Նույն տեղում, ֆ. 21, ց. 21, գ. 27, թ. 5:

54 Նույն տեղում, գ. 10, թ. 11:

55 Նույն տեղում, գ. 32, թ. 11:

56 Նույն տեղում, գ. 4, թ. 40:

57 Նույն տեղում, գ. 12, թ. 43:

58 Նույն տեղում, ֆ. 99, ց. 21, գ. 6, թ. 12:

59 «Սովետական Հայաստան», 2. VII. 1973:

60 Մի շրջան, ֆ. 29, ց. 23, գ. 1, թ. 55:

61 Նույն տեղում, ֆ. 12, ց. 24, գ. 42, թ. 51:

62 Նույն տեղում, ց. 26, գ. 18, թ. 59:

63 Նույն տեղում, ֆ. 13, ց. 36, գ. 75, թ. 18:

64 «Народное хозяйство Арм. ССР за 60 лет», с. 116.

Սովետական ժողովրդի կենսամակարդակի բարձրացման հարցերի լուծումը մեծ չափով կախված է նաև անասնապահության հաշոյ զարգացումից: Դրան հասնելու նպատակով 8-րդ և 9-րդ հնգամյակների տարիներին հանրապետության աշխատավորները լայնորեն սոցիալիստական մրցույթում ծավալեցին: Ծ-րդ հնգամյակի տարիներին այդ ուղղությամբ զգալի աշխատանք կատարեցին Շահումյանի շրջանի անասնապահները: Շահումյանի անվան կոլտնտեսությունում արմատավորվեց «5000-ականների» շարժումը⁶⁵: Կթվորուհիներ Ն. Թումանյանը և Լ. Խոսրովյանը, Ա. Լսկալյանը և Հ. Հարությունյանը, մեկ կովի հաշվով նվաճելով 5000—5153 կգ կաթի բնագիծը, կոչ արեցին այն վերածել մասսայական շարժման⁶⁶: Շրջանի անասնապահական բոլոր տնտեսություններին, արձագանքելով «5000-ականների» շարժմանը, 8-րդ հնգամյակի վերջին երկու տարում նկատելիորեն բարձրացրին մեկ կովի միջին կաթնատվությունը: Պլանավորված 2739 կգ-ի դիմաց յուրաքանչյուր կովից ստացվեց 3025 կգ կաթ, իսկ Շահումյանի, 22-րդ և 18-րդ կուսհամագումարի անվան տնտեսություններում այդ ցուցանիշները կազմեցին համապատասխանաբար 4753, 3997, 3475 կգ⁶⁷:

Մասիսի շրջանի տնտեսությունների կուսակցական կազմակերպությունները կաթնատվության բարձրացման նպատակով նախաձեռնեցին միջշրջանային և առանձին տնտեսությունների միջև մրցության կազմակերպումը: Դրա շնորհիվ հիմք դրվեց Մասիսի և Էջմիածնի շրջանների գյուղատնտեսության աշխատողների մրցությանը⁶⁸:

«ՍՄԿԿ XXIV համագումարի որոշումների լույսի ներքո անասնապահության հետագա զարգացման վերաբերյալ հանրապետության կուսակցական կազմակերպությունների խնդիրների վերաբերյալ» ՀԿԿ Կենտկոմի 1971 թ. հունիսի 29-ի որոշման կատարման ուղղությամբ նկատելի աշխատանք ծավալվեց հանրապետության նախալեռնային և լեռնային շրջաններում⁶⁹: Արժեքավոր նախաձեռնություն էր նաև «3000-ական կթվորուհիների» շարժումը, որը ծնվեց 1967 թ. Կալինինոյի շրջանում⁷⁰: Հոկտեմբերյան հեղափոխության 50-ամյակին նվիրված հոբելյանական այս նախաձեռնությունը տարածվեց շրջանի բոլոր տնտեսություններում: 3000-ական կթվորուհիներից շատերը մոտեցան մեկ կովից 4000 կգ կաթ ստանալու բնագծին, իսկ Լոռվա տոհմաբուծական կայանի կթվոր Ա. Մուրադյանը 9 ամսում մեկ կովից ստացավ 3384 կգ կաթ⁷¹, զգալիորեն գերազանցելով պլանային առաջադրանքները: 9-րդ հնգամյակի տարիներին ևս սոցմրցության շնորհիվ Կալինինոյի շրջանի անասնապահությունը զգալի վերելք ապրեց: Անասնապահության զարգացման բնագավառում որոշ տեղաշարժեր նաև Ստեփանավանի շրջանում: 8-րդ հնգամյակի վերջերին Ստեփանավանի անասնաբուծական-անասնապահական սովխոզ-տեխնիկումում ևս սկիզբ առավ «3000-ական կթվորուհիների» շարժումը⁷², որի մասնակիցների թիվը 9-րդ հնգամյակի տարիներին անհամեմատ մեծացավ: 1972 թ. Ուռուտի կոլտնտեսության կթվորուհի Լ. Ասատրյանը շրջանում առաջինն արժանացավ սոցիալիստական աշխատանքի հերոսի կոչման: Նա չորս տարի շարունակ կաթի ստացման բնագավառում շրջանում հասնում էր ամենաբարձր ցուցանիշների⁷³:

Անասնապահության զարգացման բնագավառում որոշ տեղաշարժեր նը-

⁶⁵ «Հայաստանի գյուղատնտեսություն», 1969, № 4, էջ 13—14:

⁶⁶ ՄԼԻ ՀՄԿԱ, ֆ. 1, ց. 96, գ. 6, թ. 35:

⁶⁷ Նույն տեղում:

⁶⁸ «Հայաստանի գյուղատնտեսություն», 1973, № 7, էջ 11:

⁶⁹ «Սովետական Հայաստան», 30. VII. 1971:

⁷⁰ «Коммунист», 9. VII. 1967.

⁷¹ Նույն տեղում:

⁷² «Սովետական Հայաստան», 16. X. 1971:

⁷³ ՄԼԻ ՀՄԿԱ, ֆ. 13, ց. 38, գ. 2, թ. 38:

կտուվեցին նաև 'Իորիսի շրջանում: Հանրապետութեան անասնապահական մի շարք ֆերմաների աշխատանքի փորձն ու երկրի գյուղատնտեսական կոլեկտիվներին առաջ քաշած նախաձեռնութիւնները լայն արձագանք գտան շրջանի անասնապահներին շրջանում: Այստեղ առանձնապէս հայտնի դարձավ Վերիշենի սովխոզը: Տնտեսութեան կուսակցական կազմակերպութիւնը, դիրեկցիան և բանվորական կոմիտեն առանձնակի նշանակութիւն էին տալիս արտադրութեան հարվածայինների ու նորարարների փորձի ուսումնասիրութեանն ու տարածմանը: 9-րդ հնգամյակի երկրորդ տարվա խնդիրները կատարելու համար տնտեսութեան ողջ աշխատավորութիւնն ընդգրկվել էր սոցիալիստական մրցութեան մեջ: Բոլոր օղակները, բրիգադները, անհատները ունեին մրցութեան իրենց պարտավորութիւնները⁷⁴: Անասնապահական մթերքների արտադրութեան պարտավորութիւնների կատարման գործում մեծ նշանակութիւն ունեցավ շրջանում ծավալված «սոցիալիստական պարտավորութիւնը դարձնեք միմեմուտի առաջադրանք» կոլեկտիվ շարժումը⁷⁵: Այն ծնունդ առավ Խնձորենի գյուղի երիտասարդ անասնապահների խմբում և, հավանութեան արժանանալով կոմերիտմիութեան շրջանային կազմակերպութեան կոնֆերանսում, որպէս կոչ տարածվեց նախ շրջանում, ապա՝ հանրապետութիւնում⁷⁶: Շարժման նախաձեռնողները 9-րդ հնգամյակի վճռական տարում հասան իրենց ստանձնած սոցիալիստական պարտավորութիւններից ավելի բարձր ցուցանիշների, իսկ մի քանիսը գրանցվեցին 2000-ական կիլոյորների պատվովոր ցուցակում: Արձագանքելով այդ կոչին, «Ջանգեզուր» սովխոզի կիլոյորնի Ա. Վանեսյանը, որը 8-րդ հնգամյակում մեկ ֆուրաժային կովից հագիվ ապահովում էր 1000—1200 կգ կաթ, 9-րդ հնգամյակի վճռական տարում մեկ կովի կաթի ցուցանիշը հասցրեց 2900 կգ-ի, 16 կովից ապահովեց 17 հորթ և շրջանում առաջիններից էր, որ պայքարում էր նվաճելու մեկ կովից 3000 կգ կաթի բնագիծը⁷⁷: Ընդհանուր առմամբ 9-րդ հնգամյակում հանրապետութեան կոլտնտեսութիւններում և սովխոզներում կովերի կաթնատվութեան միջին ցուցանիշը բարձրացավ 205 կգ-ով՝ հասնելով 1679,5 կգ-ի⁷⁸, զգալիորեն գերազանցելով նախորդ հնգամյակի ցուցանիշը:

Հանրապետութիւնում անասնապահական մթերքների արտադրութեան մեջ կարևոր տեղ էր տրվում նաև մսի արտադրութեան ավելացմանը: Մի շարք շրջաններում, հատկապէս Շամշադինում, Նոյեմբերյանում, Շահումյանում և Արտաշատում, այդ ճյուղը նկատելի զարգացում ապրեց: Սոցմրցութեան արդյունավետ կազմակերպման և առաջավոր փորձի յուրացման շնորհիվ հանրապետութեան գյուղի աշխատավորները 8-րդ հնգամյակում մսի արտադրութեան բնագավառում հասան նշանակալի հաջողութիւնների: Հնգամյակի տարիներին խոշոր եղջերավոր անասունների տարեկան միջին գլխաքանակի աճը կազմեց 7%, այդ թվում կովերինը՝ 11: Այդ ընթացքում թռչունների տարեկան միջին գլխաքանակը աճեց 37,6%-ով⁷⁹: Նույն ժամանակաշրջանում մսի արտադրութիւնը հանրապետութիւնում ավելացավ 16,3, կաթինը՝ 12, ձվինը՝ 61,8%-ով, որը հնարավորութիւն տվեց դրանց վաճառքի հնգամյա պլանները կատարել համապատասխանաբար 107,8, 105,2, 102,8%-ով:

9-րդ հնգամյակի առաջին տարիներին հանրապետութեան անասնապահութեան բնագավառի աշխատողները սոցմրցութեան շնորհիվ նվաճեցին նոր բընագծեր: Այսպէս, 1973 թ. տվյալները ցույց տվեցին, որ մեզանում անասնագլխաքանակի աճի ցուցանիշներն անհամեմատ բարձր են, քան միջին միութենականը: Գյուղատնտեսական ամբողջ արտադրանքի մեջ անասնաբուծութեան ապրանքային արտադրանքի տեսակարար կշիռը կազմում էր 40—

⁷⁴ Նույն տեղում, ֆ. 15, ց. 26, գ. 5, թ. 22—23:

⁷⁵ Նույն տեղում, թ. 24:

⁷⁶ Նույն տեղում:

⁷⁷ Նույն տեղում, թ. 98:

⁷⁸ «Народное хозяйство Арм. ССР за 60 лет», с. 130.

⁷⁹ ՄԼԻ ՀՄԿԱ, 5. 1, ց. 96, գ. 28, թ. 5:

43%⁸⁰, Անասնապահական համայնքի ինտենսիվ աճը հնարավորություն տվեց ժամկետից շուտ կատարել մսի, ձվի, բրդի մթերման 9-րդ հնգամյակի առաջադրանքները:

Այսպիսով, 1965—1975 թթ. ընթացքում բուսաբուծության և անասնապահական մթերքների արտադրությունն ավելացնելու համար ծավալված սոցիալիստական մրցության, Միության և ՀՍՀ գյուղատնտեսության առաջավոր տնտեսությունների փորձի յուրացման հիման վրա զգալի քայլ կատարվեց հանրապետության գյուղատնտեսության նյութատեխնիկական բազան ամրապնդելու և բուսաբուծական ու անասնապահական մթերքների արտադրության կայուն մեծացումն ապահովելու ուղղությամբ:

СОЦИАЛИСТИЧЕСКОЕ СОРЕВНОВАНИЕ ТРУЖЕНИКОВ СЕЛЬСКОГО ХОЗЯЙСТВА РЕСПУБЛИКИ (1965—1975)

МИКЛАЕЛ МАДАТЯН

Р е з ю м е

В период развитого социализма повышение эффективности общественного производства—главное направление экономической стратегии партии. В числе проводимых с этой целью мероприятий одним из решающих является социалистическое соревнование. Велика роль социалистического соревнования в аграрном секторе социалистического народного хозяйства. В годы 8-ой и 9-ой пятилеток в нашей республике получили распространение движения «за богатый гектар» и «за богатую ферму». Эти движения способствовали заметному повышению эффективности сельскохозяйственного производства.

⁸⁰ Ա. Կ. Այրումյան, Հայաստանի գյուղատնտեսության տեղաբաշխումն ու մասնագիտացումը, Երևան, 1974, էջ 125: